



義門鄭氏奕葉吟集卷之二


經歷

諱泳字仲潛號半軒至正間薦授溫州路經歷棄官著書有半軒集家儀輟耕夢談過庭問荅等書

國初下詔求賢朝臣交章薦舉宋潛溪曰其人如玉雪毋汙其行也乃止

寄仲舒太常兄

鴻鵠逐北飛一舉皆千里阻隔強相隨行行殊未已
鴻兮返南翔霜翮胥共止奈何雁穿雲又隔吳江水
天涯遂成三地迥分此彼九臯縱長鳴莫聞雲霄裡
鴻今已云悲念之魄先禡所幸毛骨清不染吳淞滓



燕雪羊角旋老鵠忽來徙延頸望江東佇目移日晷
東郊足稻梁西園多棘枳倦翮應歸飛翺翔欲何以

和博士兄喜歸詩韵

人生無定蹤聚散若萍水禍福信由天功行須積累
當年少壯時鵬程思萬里狂歌事遠遊醉舞中夜起
兩都歲從行一紀無寧止朝騎上苑傍日食東閣裡
及歸弄綵衣數載春庭喜杯盤聚親舊墳箎叶兄弟
滄海忽乘田社稷終以已兄今亦倦遊清節當共砥
豈必耀里閭但莫後人指淵明歸去來匪因五斗米

我寧處窮約儉損常守否出處旣若斯榮辱勿致理
食求克口腹居止蔽風雨知命且樂天富貴非所擬

長十八

花名

長十八女兒折來鬢邊插藜藜細管似秋萱嬌紅膩
粉爭春妍花開葉落花不落顏色不變長如昨願妾
顏如花如花長不老與郎相見長相好

南歸汎海至慶元

二首

乘桴今入海海濶渺無窮惟見天齊覆翻疑地盡空
潛鱗思有窟翔翮杳無蹤及至東南境東南漸不同

愁來夜不眠起坐篙樓邊聳後俯觀海昂前仰見天
雖知風浪險且喜桅檣堅世道危猶甚何時得晏然

寓意懷仲舒兄

庭前老樹綴新黃葉裡藏花未放香欲待兄歸問秋
意廣寒何事月淒涼

籬邊黃菊手親栽倚杖盤桓日幾回近得西風報消
息今秋及早爲君開

上京雜興

纔過偏嶺勢寬平草色連天一樣青木石盡無沙上

走江淮安有地中行穴邊拱立多黃鼠空裡飛鳴見
白翎境物雖殊風日美煩襟頓覺一時清

勢若乾旋忽轉坤皇輿巡幸布殊恩一時沙塞皆沾
被千里風雲自吐吞紫菊開餘秋未至金蓮香賸日
常暄更知民俗中原異瓊帳馳車處處村

沙漠連連萬里天從官文武盡才賢馬嘶風動急分
隊象轡雲移穩勝船綠鬢髻垂珠壓帽紫馱駝重纏
包瓊只疑仙仗從空下五彩幢幢擁後前

烏桓城近李陵臺廢址荒基沒草萊南北一家今日

始東西萬里極天來冠裳雜沓雲迎日鞍馬繽紛電
掣雷觀勢江河文思長茲遊喜得好懷開
建國當年據土中大安前殿閣穹崇天垂北極星辰
滿地立神州氣勢雄虎衛旌旗時正位龍潭霹靂夜
移東開基世祖垂鴻業聖子神孫萬代宗
野平空濶到灤河沙底泉清處處多化鯉豈無能點
額乘驂刺見逐鳴珂極天影落鷹身攫動地聲來馬
陣過羽獵長楊還有賦金門欲獻意如何
乘輿大駕駐龍驤萬騎千官駕鷺行錦帖通名多皂

隸銀箏雜唱盡紅粧出爐餅子酥和美飽食羔兒味
淡長試把草芽嘗咀遍多應辛辣更甜香

五月鸞車幸上都上都時侯實多殊語聲出氣晨還
見水泠生冰夜不無玉粒有粳兼有粟鳳團添蜜更
添酥鳳城民樂官安靜處處笙歌滿巷衢

判簿

諱渙字仲釋至正間以才薦授浦江縣主簿

和博士兄杏花韵

雨過園林喜乍乾杏花猶自怯春寒曉來斜倚東風
裡絕勝楊妃醉後看

錢塘寓所夜坐

夜坐南窓聽鼓聲客庖已備踏青行如何一夜蕭蕭
雨引出痴雲不放晴

哭叔車侄

汝才多俊彥汝數一何虧明月清風夜嚴霜細雨時
悲懽曾共處生死竟相違老我雙雙淚今朝爲爾垂

遊靈隱三天竺夜宿陳氏家

日煖風輕淑氣濃春行由此得從容寺遊靈隱三天
竺路入西湖九里松樓閣玲瓏參碧漢浮屠金碧耀

晴空逍遙日暮不知倦夜宿山家聽曉鐘

元日

爆聲昨夜換年華萬象朝來喜氣嘉階砌有蘭兼有
蕙郊原宜草復宜花徐將檀板題新句漸把屠蘇貯
絳紗初日有情光射戶一團和氣滿農家

貞孝處士

諱淵字仲涵性至孝母亾哀毀骨立朝
士欲薦之竟以贖辭至正末薦爲月泉
書院山長復辭不就所著書有遂初齋
集私謚貞孝

古意

西方有美人絕世好容儀獨坐曲房中素手彈朱絲

新聲隨指發音響亦何悲似言加餐飯似言長相思
何如雙鴛鴦朝夕同奮飛

北山有飛鷗五采眩人目網者生巧思媒之以其族
翳青向岩阿和鳴聲粥粥機械忽然發毛血紛相簇
當年賣友徒視此無乃酷

兔絲綠如染冠在青松巔自視百尺高可以凌雲烟
不知柔弱質附高致其然斧斤一朝至何地相依緣
甘同黃瓜蔓弃擲官道邊

和潛溪先生韵其一

涉江採新綠攬之不成歡我心獨何苦臨風屢彈冠
無心問明月有恨如長川且歌招隱辭采芝向商顏

其二

商顏有神芝豈徒樂苦饑可以療沉痾可以滋容輝
乞身在強健行樂須及時願言賦歸來慰我朝夕思

其三

夕思苦長夜臥聽南飛鴻鴻飛南復北日西朝又東
相思逐流水朝暮情無窮起來步檐下月照青蘿松

其四

松月流光晶映我雙瞳青千里共徘徊兩情正交併
取琴作商調別鶴鳴林垆誰知揚州地亦間牛女星

懷潛溪先生

我憂何日消正若塵土積心隨道路長目斷青山碧
依依江東雲舒卷度晨夕皎皎海底蟾升高吐秋色
雲月會有時亦可慰寥寂自媿胡不然且暮從公側
年來性命乖百病身爲瘠鳴鳳已高飛孤鳳伶影隻
洒淚向公言爲我重矜恤

採蓮曲

梧桐轉階月如水滿地瑤華鋪不起誰家玉簫吹盡
樓不管洛陽秋色愁吳姬踏歌楚女舞羅帶同心結
飛組采蓮不採葑中蕙見人但道蓮心苦鯉魚吹風
紅葉秋獨持明月上蘭舟巴陵去去三千里情與白
波天外流

黑葵

燕南御史面如鐵立朝蹇蹇修臣節歿後芳魂不可
回化作戎葵尚深黑叢叢嫩萼淺含顰密密深葩巧
凝漆當年曾與陳玄遊一齊封作松滋侯臨池學書

不計歲墨花染却青貂裘穠李逢春好顏色陽城下
蔡都迷惑紛紛尚白盡嘲玄向日丹衷有誰識君不
見無鹽則治西施危尚德尚色宜鑒之

又反題

大鈞陶埴凡草木一氣迴環如轉轂葉惟青綠花白
紅雜以紫黃紛蹙蹙何曾有物烏如鷺却向朱火呈
芳姿祇緣花神失貞操洛塵污却如霜衣朝來倚杖
自歎息物理推詳意難測可憐忠志向陽心底事如
今暗如漆年來潔白肯成玄雨雖無情猶變遷何人

引取百丈泉便把汗染從頭湔

始晴出游

始從今日踏新晴馬首雲山萬疊屏隴麥成行青段
段梅花落地白星星韶陽逗暖薰人面澗水接藍洗
鶴翎又向沙頭問歸路淡烟斜月照迴汀

辛亥中秋宿太湖

湖光萬頃接長天此夜中秋月正圓賸有新吟追賀
監媿無美酒醉蘓仙蓼紅蘋白東西岼露冷風清上
下船涼氣逼人眠不得起聞遼鶴淚雲邊

贈王隱居

會稽山下越王城隱者茆廬夜不扃採藥未妨雲作
伴彈琴時有鶴來聽煮殘榭葉丹留灶夢入梅花雪
滿庭媿殺仙華無事客閉門日誦太玄經

懷仙歌

我懷仙人綠萼華手持瓊芝雙髻鬢九天笙鶴招不
返大雪凍損如鹽花蓬萊清淺我曾見口餐六氣凌
飛霞神清洞下仙人家有客坐石飯胡麻

雪夜

昨宵清夢入仙家十二樓臺處處花石鼎煮茶飄雪
乳銀鬕馱酒醉春霞空中月色開晴晝夜半寒光透
碧紗頓覺一身毛骨爽新詩字字奪天葩

參議

諱湜字仲持洪武中以胡惟庸誣指賊鈔械

聖恩照穆以公才優欲任以方面天官奏無缺
上又曰伊是參政也罷又奏皆不缺就
命各布政司添設兩參議即除福建左參議

早朝領憑

清早臚傳上玉除中官傳勅捧除書議參薇省惟吾
始拜俯 楓宸受職初屬鼎雲開天日近觚稜月淡

曉星疎微臣何幸遭榮寵位重非才恐不如

閩省中秋對月

歲歲家鄉翫月圓今年此處對嬋娟姮娥空有長生藥不與人間駐少年

庶子

諱濟字仲辯號訥齋善書尤精古篆洪武二十六年蒙

聖旨遣行人孫昇取義門子弟年三十以上者赴闕特授左春坊左庶子

應制荅高麗使者

天全幅員付

聖皇大明昭回日月光帝錫寵命

隆百王卜年繼統邁周商華風整族還虞唐汎掃區

宇清八方乃文乃武撫且攘烝民立命戢暴強林赫
拯溺扶弱庭率土坐令咸阜康大一統運古莫京誕
敷聲教開明堂奔走四裔戎與羗胡無人兮中國昌
窮髮絕徼爭梯航歲惟丙子交三陽春王朝正來萬
邦朝鮮小國東海洋中州一郡足相當獻歲致貢進
表章厥俗習詐詐乃常剽襲文字略端莊陋方曲學
真面墻粉飾巧令相揄揚禮官攷核嚴而詳法曹按
律誅無將臣節不純天所戕頽波不障起濫觴厲階
不戒視履霜羣臣上言扣岩廊樓船使者臨彼疆溟

波跬步絕斷潢便當繫頸而扼吭要荒侯服懲跳梁
皇仁浩蕩不可量海涵地負山嶽藏同仁一視民恐
傷兵乃克器冲和妨彼民何罪池魚殃却奏罷請示
括囊撤書徵取修文郎聞命速遣不怠遑陪臣先後
陪班行待以不歿歿莫償 聖情教養有弛張與彼
濁世掃糝糠取逆守順禮爲防一誠事大戒苞棄庶
乎治安免監亾聖世復古義與黃華夷同躋仁壽鄉
神功 聖德何巍煌萬年天子垂衣裳千秋萬歲正
宏綱縣縣地久與天長

三色梅花

結射肌膚白如雪夜出瑤臺看明月羅浮山人醉臉
丹笑跨彩鳳臨銀闕相逢同過金母家金母小玉名
陵華一色羅衫染蜜褐仍帶絲囊盛紫霞珊瑚鈎起
珍珠箔玉色吹殘風色惡羣仙齊怨老榮華班班淚
向鮫綃落

月夜調琴有作

橫琴獨坐花間月天地水壺夜清澈鳳凰棲老碧琅
玕踏碎瓊瑤六花雪斯須化作蒼龍吟風生泰華秋

陰陰有美人兮隔雲漢調高禁我相思心

賦梅花

梅花自是丈人行雪裡含苞春未放東風不解江南
寒稍稍誰來問無恙草堂堂上戶不扃白石先生眠
未醒簾外初逢縞衣使殘月照人魂夢驚五更風勁
暗香度蜂蝶不媒誰問路倚籬點碧燦冰癯隔水枯
槎老無數官中江外譜未通一枝我竟先折封妍粧
楚楚寒自怯鐵骨稜稜疎影重凍苔半含香貯斗曉
白凝粧春色厚微吟香狎清襲人嚼碎落英酬美酒
冰簫吹澈玉零愁溪橋生意不可收總道無詩花月
鄙有詩更發看花羞

和采苓兄中秋玩月韵

清光三五夜應圓月到中秋勝一年千里遙瞻同皎
潔一庭列坐共嬋娟仙人斫桂開金鏡玉女乘鸞下
九天物外世間何異境茗盃幽寂過尊前

貞義處士

諱洧字仲宗洪武中

詔檢天下田畝爲魚鱗圖以防隱匿時用事者以
賄敗稅戶當連坐主家者屬當就吏公挺然曰
吾爲義門可使家長受刑乎遂以身代臨刑朗
誦古詩一章士林哀之私謚貞義

中秋湖上

二千里外五行人同氣連枝共一門時節喜逢秋夜
月客舟正泊蓼花村賦詩莫論今朝事對酒猶將往
事論握手臨風重相勵義聲家法使長存
舟行湖上渺無窮極目天涯見落鴻興盡欲歸蓬底
臥漁歌忽送荻花風

湖口有懷張孟兼

金陵門外尋歸棹一任西風逐去波范蠡湖邊秋色
好姑蘓臺上月明多片帆送我還吳會千里懷人賦

越歌遙憶別時深夜飲酒酣詩興逼陰何

雙溪小隱歌

曹君昔隱金盆山藥爐夜煮黃金丹舉身欲約赤松
子握手長嘯青雲間曹君今住沙溪曲傍水依嵒結
菑屋黃塵截斷不敢飛適意時來雙屬玉屋南屋北
多鮮奇異葩靈卉承華滋高松百尺不僵亦不死狀
似飲川蟠谷之蛟螭角鬣分明儼如畫老榦不受秋
風欺一瓢獨掛忘來歸竟與人世相睽違有時携樽
踞白石苔花濕盡霞間衣有時掬水邀明月碧波夜

浸青玻璃生平不願輕裘肥馬諍富兒亦不願腰懸
組綬光陸離白鹿畊雲不須驅曉來種滿山前芝饑
餐六氣飽於飯渴飲零露甘如飴從茲覽徧中黃辭
真一有象丹成基骨瘦昂藏聳玄鶴芳顏瑩白逾華
脂何如金華山中牧白羝何如葢珠宮裡調刀圭但
得有色如■摩挲銅狄河之湄摩挲銅狄河之湄
桃源深處尋安期

默齋

諱淵字仲養

睡起海棠圖

東風蕩漾百花潭翠袖迎風酒半酣好鳥隔窻
色美人殘夢在江南

春夜賞海棠

秉燭看花夜向晨玉堂學士謫仙人小園富貴春無
限絳蠟熒煌花有神恣筆題詩書勝事嬌姿欲語
吟身莫教今夜東風惡看到天明付與春

紅指甲

十點硃砂滴滴濃淺深女伴較誰工華年水逝銷新
麗瓜甲時生換舊容阿母叮嚀保丹采懷人能不損

手容傷春清淚如鉛水彈與東風映指紅

上巳

暮春貴元巳淑景尚餘姿山桃飛紅雨岍柳揚青絲
盍簪時彥集連枝共追隨後禊時雨至登臨渺余思
既醉豈無感慨彼日月馳揮毫寫佳趣景行遵古儀
古人今已往經訓爲良師

著微齋

諱溟字仲遠

登樓望雨

九藍山色青如藍片雲冉冉生其間雲飛過山滿天

去萬壑千巖雨如注少焉雨散雲復收青山依舊青
如油阡田枯禾換新秀涼風拂拂生清晝五風十雨
卜今年民謠擬聽康衢傳

長夜吟

長夜烏啼聲不絕千里懷人思飛越老翁欲枕未成
眠曳履披衣步明月

登宜晚樓

松竹交加翠作堆小樓瀟灑倚岩開采苓仙子乘雲
去擬望何年跨鶴來

采芳亭偶成

雙雙燕子拂簷過
隊隊遊魚戲碧波
三月春光今兩月
凭欄細數落花多

尚書

諱沂字仲與洪武間

詔徵天下大姓稅戶授以職任本家以公起送
上召詣前再三歎賞
御筆親除為禮部尚書未几
上崩即致政還家
太宗文皇帝即位復召為前職明年告老子詣致仕

至淞江

路入雲間去青雲上錦袍
水連三泖濶山擁九峰

白鶴嗟何及鱸魚興亦豪
淒涼千載事醜酒向亭皇

答吳虎髯見寄韵

廊廟賢才喜有人引年謝事豈逡巡
南宮 詔許辭

金印北闕山呼拜玉宸
三逕歸來黃菊晚九藍歌詠
紫芝春明朝又祝齊天壽
鶴序仍陪舊宰臣

送叔度侄還成都併柬明長史顧教授

遠歸喜莫極聚散安可量
西風萬里道執別麟溪傍
我髮日皓白子顏亦已蒼
胡為衰老際倏忽如參商
所適既有期所思詎能忘
故鄉雖在念王事靡迨遑

梁益古都會河山固金湯跋跋理所當離憂奚足傷
人生貴知己况事賢哲王惟思奉明訓報國以

貞良舊業益重緝秉德明綱常金門總英彥文彩煥
昭章德星聚井絡天綵奏巖廊偉哉冰月翁丰姿婉
清揚南宮昔相見三度越暑霜曾煩枉書札遠寄天
一方東吳有遺老詞翰俱擅場猥承珠玉句思挹芝
蘭香我歸臥林壑歛翮倦高翔願言寄諸公努力贊
黃唐

孟良

諱樵

賦得石葦

白雲深處抱幽貞不料山人識姓名他日東君如有
問寸根尚自隔年青

春日謾成

東風滿眼揔春華多少芳情屬自家最是夜來窗外
雨滿庭開却紫荊花

致用齋

諱樞字叔高

擬古

周孔旣云沒遺文散如雲戰國大壞之紛龐亂真淳

軻也實亞聖誦言亦諄諄如何千載下是非遂相因
哀哉吾道窮愁絕磨乎磨

秦箏一何哀中有淒涼音纍纍孤臣操咽咽嫠婦吟
晨霜爲之寒浮雲爲之陰聽罷復三歎不覺淚沾襟
披衣步庭臯嘉樹鳴曙禽嗒然吾喪我情與海水深
孤齋悄無人絳燭夜吐芒羽蟲忽飛來投火欲自戕
知爲明所悞曷不務韜光子房願封留淮陰瑜弓藏
法戒旣昭然昧者何茫茫高山有白石行當煮爲糧
我歌何激烈傷我義士肝男兒化女婦所異惟衣冠
有兵八千人屈膝向江干大節不復振何人墮狂瀾
梧桐似有知脩脩生暮寒

綠綺吟

石崖剪劉梧桐尾按律憑音裁綠綺瑤徽點點疎星
寒冷光六尺凝秋水青絲七縷張高秋萬派寒泉隨
指流一聲金石散丘壑猿哀鶴怨蛟螭愁空谷咽雲
風瑟瑟池塘露冷芙蓉泣翠屏相對夜冥冥十二珠
簾籠月色寤伶昨夜曲終時庭前獨樹烏亂啼

雪

曉雪堆鹽忽滿山江南江北白漫漫光搖銀海三千
界氣壓珠簾十二關塞上將軍懷李邕山中高士臥
袁安謝庭和氣春風益不怕嚴風竟日寒

病馬

十載江南不解鞍成人功業垂如山重韁曉立貔貅
帳披甲宵征虎豹關鞞汗未消前日血箭瘡新長舊
時癥如今力盡身將老夢斷天門十二閑

寄御史叔恭弟

御史朝天趨禁鐘馬前銀燭絳紗籠霜飛綉斧浮花

白露淖宮袍濕茜紅擬符麒麟圖晚境若爲鷓鴣在
秋空年來倍覺才情麗乘醉題詩送河戎

雁字

雁行如字竟何緣題破瀟湘雨後天自古善書無此
法隨時變體得佳傳成文本合依天上布畫終須到
日邊聲價已應聞四海乘風高舉影翩翩

絡緯

厭聽寒蟲响隔窻動人吟思正茫茫井闌泣露驚秋
晏庭樹吟風怯夜涼聲止悞疑紗縷斷韵添緣續素

絲長年年機杼成
統綺促織何勞竟
夜忙

走馬燈

一機運動借燈烟
刻紙模形弄化權
萬騎無聲行寂
寂四蹄有影去
翩翩路殘霄漢
通宵月行盡人
寰不
夜天惆悵此生
同是幻執鞭休
較阿誰先

竹齋

小築幽齋不在寬
繞簷都種碧琅玕
鳳凰嘗見空中
下翡翠偏宜雨
後看窻戶四時
無去日軒庭六
月有
清寒先生一榻
便高臥莫說東
山有謝安

松源山中

山中初夏爽於秋
天氣清和雨乍
收四面巒光浮
几
案一枝松影上
簾鈎鳥啼窻外
鷲幽夢甕滿牀
頭洗
舊愁日暮閑情
拘不得野雲流
水共悠悠

探梅

三年無夢到羅浮
重爲寒梅賦舊遊
東閣清吟花下
酒西湖買棹雪中
舟萬株玉樹橫
江口一朶芳情
寄
隴頭處士詩懷
禁不得暗香疎
影思悠悠

學古齋

諱杖字叔鞞善屬文學士宋公以女歸之

促織吟

清露溥溥寒夜悄碧紗無人秋月小草虫乳泣何太
哀聽到曉鐘猶未了孤帷美人思正悽入耳聲聲心
似搗錦衾宵擁淚欄干暗洗芳容夢中老少齡心事
雙鬢秋乳懷如絲誰得掃促織促織聽我道十載遊
人歸不早我願爾蟲如有靈化作枝頭子規鳥

湖上夜

萬頃烟波一葉舟柳陰深處枕寒流波光接岫鮫人
泣水影搖空龍女遊笛花黃蘆吹夜月雁衝白露下

寒洲推蓬試問滄浪趣身在玻璃一鏡秋

賦得踏雪觀梅

迴飈捲雪天宇低六花散作水塵飛青山換盡舊娥
眉雲鬢一夜堆琉璃皎如銀界空無涯夢魂直繞孤
山西孤山仙客居者誰相逢鶴擎無纖滓手持藍田
白玉芝枯槎夜汎凌水澌青鸞不動亦不麾浮波燦
燦羅羣妃粉痕點染瓊瑤肌風中舞袂同逶迤中有
一人龍綃衣孤標彷彿驚燕姬長眉落鏡飄瓊瓊鞋檀
心暗吐香辭辭翛然不作塵世姿爛如玉鳳臨咸池

冷花耿耿不可窺但覺寒影光陸離遙空亂洒珠與
璣我疑此景人間非青禽喋喋鳴且隨羅浮有夢愁
無期黃昏邂逅江之湄似夢非夢寧非痴水魂翩翩
杳莫泊歲晚烟空天正淒我所思兮渺何之遺以消
息還憑誰回看大地真無爲蒼龜誰卜平生疑楊州
寥寥天南陲何郎一去歸何時青藜數尺手自支春
風正發江南枝笛聲吹落無人知

題王一臆墨梅

王君画梅如相馬意足不待形容寫自然眼底有湖

山忽發天機費陶冶西子含愁面發玄黑白變幻須
更間恍惚雲枝烟霧裡夢魂疑是孤山山孤山仙人
渺何許嗟君用心何太苦只將毫末點冰統一時喚
醒江南土江南萬里含暝雲冰霜不見春風痕玉笛
無人曲聲老耿耿風雨愁黃昏花光道人今何有妙
意傳君三昧手迺知淡墨深入神傷人悞指無鹽醜
金陵歌送夏博士

君不見石頭城高高且厚虎踞橫當大江口飛樓傑
閣似蓬萊十里春風御溝柳紫薇閣中多賢良黃衣

博士稱時英手持丹詔來海邦一語自足安邊疆功
成返駕不辭緩路路垂楊碧如剪聞道金陵多好山
此行須洗平生眼有時醉眠江上樓酒酣政是蘆花
秋蘆花八月散如雪滄波萬頃飛白鷗夜深涼月生
海島照見茆山一點小明朝騎馬京門道莫遣傷人
窺諫草

贈友人

李白舊隱匡廬山老去窮經猶未還至今文章滿人
世光焰萬丈紅爛斑吾兄近作仙華卜占斷白雲半
間屋行行寶匣劍生華落落青囊書一束由來氣與
牛斗橫茫然眼底無功名袖中彩筆退地滑窻下黃
卷銀釭明丈夫事業期不朽肯為妻孥重回首梅花
夾道正相迎慙慙相瀝沙頭酒舍弟年方二十強讀
書一月窮一箱

懷宋太史

亦知離別遠喪亂正何如流水天涯路征鴻塞外書
緜緜飛雪晚點點落梅初日月重回首那堪已歲除
中秋翫月

別浦逢秋月波深影更清
初疑天上見復向水中生
龍女神珠出姮娥寶鏡明
兩間俱不辨俯仰又殘更

客中秋夜

客中知夜永秋到轉無眠
月影入簾白蟲聲到枕圓
物情多感激鄉思一茫然
居內西風急衣成孰與傳

促織

促織窻外啼不眠苦秋夕
如何一小蟲引動異鄉客

海棠

映肉紅紗曉睡遲一絲春色力難支
開元舊事無人

識猶有東風作畫師

車齋

諱枋字叔車太常博士子

卽景書懷

數盡江南數十鴻鵠聲依舊小樓東
釣無紅鯉書何在
山滿白雲情正濃
藉草不堪成短夢
開簾無處避殘紅
夜來銷滅愁人雨
全在芭蕉半捲中

花信

馬蹄無處問生涯
驛使江南去路賒
幾向東風驚寂寞
又承雨露寄芳華
遊蜂款款成香夢
戲蝶盈盈點

絳紗踏盡江頭三日路不知春色到誰家

草意

澤國依依雨露天斜陽未減舊芊絲不教指佞無私
向定作芳蕤逐月圓喚起青青花瓣雨織成簇簇柳
堤烟東風會有何人識南國歸來一惠連

翠濤軒

一夜樓前江水生推窓滿屋是松聲喚醒狂客前年
夢記得扁舟何處聽衝雨夜過楊子渡趁潮秋上浙
江亭只今無復風波患蕙谷山中種茯苓

觴詠亭

蘭亭故事跡難尋西峴山前竹遶林嗚弋羣賢如美
玉昭陵尺紙重南金一時逸興醒還醉千載斯文古
視今但得此生長有酒世間何地不山陰

野航

登臨好似在舟中花柳森陰處處同聽雨每憐如聽
水推窓几誤是推篷黃昏穩載一船月白日閒眠半
枕風此去吾將稅塵鞅野航亭上作漁翁

甕牖

無紙無紗不受埃一潭秋影望明開春光滿甕濃如
酒竹色侵堦綠似苔明月自能穿戶入好山不肯過
窻來黃金屋下非無地肯使葦瓢獨戀回

梅堦

清香淡淡水脩脩一徑苔封萬玉條青鳥挾春來絕
壑仙人洗髓過前橋盤堦枕水龍還臥古樹生花雪
未消爲愛石床平可坐月明來此聽吹簫

奉和家大人初度日寄揭秘監先生韻

父子兩地心共此千里月恨臂不羽翰每爲事牽掣
兵餘全義居幸獲藏鳩拙侍省恒在懷飛騰實無訣
念彼風土殊不能共寒熱別來日如年是霜矧屢閱
時瞻泰華雲夢踏燕山雪教言日旣疎鈍璞失磋切
凡因魚鴻便致此骨肉別幸今天與會定省稍無缺
稱觴後童僕綵衣拜前列世有錫類仁將與共懽悅
春夜侍家大人同潛溪先生衆芳園燃燭賞海

棠

衆芳園裏花連天花間亭子如湖船衆花人着百花
譜海棠愛是花中仙昨夜海棠新過雨花開近人嬌

欲語太常先生老謝事自作衆芳亭下主掛冠歸來
心愛閒置酒約客來花間 天王近下歸田詔學士
新從天上還如龍賜馬騎矍矍下馬來赴觀花約入
門見花如故人重喜紅顏嫩如昨婉然一笑啟朱唇
低徊嫵媚情相親阿誰錯比楊太真天姿更比人精
神主翁有意留花住只恐夜深花睡去高燒銀燭照
紅粧令人却憶東坡句燭闌見花如鏡中又疑月下
來相逢天然容貌絕脂粉淡處非淡濃非濃花下慙
慙勸杯酒諸父在前兄弟後闌墻煮豈彼何人得似

海棠花下否金谷名園懷遠 圖園中種樹生珊瑚羅
帷錦帳今何處得似海棠花下無義家青賞人滿座
學士作歌博士和平生不飲醉兩拚醉來擬共花陰
臥賓主相看頭攄白座上成詩人近百賞花會裡問
題名一姓子孫三姓客更闌宴罷燭影斜燭光搖曳
難籠紗何如翰林學士如椽筆文光常照海棠花

周齋

諱材字叔周

春夜賞海棠

小屋如船傍石臺夜深燃燭看花開初疑仙子雲中

墮又似佳人月下來香霧濛濛紗映肉酒痕點點暈
生腮此時花底尋佳句媿我詩無蘓子才

雨中有懷叔文弟留湖州

雨過新涼發輕風透綠蘿野雲天外遠春水望中多
鳥語穿幽樹魚潛入舊波懷人江漢濶歸興欲如何

白紵辭

白紵白且潔皎皎如霜雪爲君製秋衣寄君須早歸
若謂妾心有改移請看白紵素無緝

義門鄭氏奕葉吟集卷之二終

義門鄭氏奕葉吟集卷之三

御史

諱幹字叔恭永樂元年近臣交薦召授湖廣

朝蹇諤奏罷廣東取珠之役十六年
皇上掃清沙漠凱旋進平胡詩一篇
上嘉曰可謂滿朝詩伯第二矣

春夜侍學士宋公賞海棠

學士當年上帝畿海棠無語思依依重來銀燭光初
焰笑對紅雲煖欲飛玉勒暫從花下駐金蓮還憶夜
深歸鳳凰池上春如海環珮聲中有綵衣

寄宋仲珩

凱風昔南來送君涉長道短絃爲君調玉壺爲君倒
不能無此離惟願歸來早嘉會殊未遇白露下庭草
惜別情尚難寧不傷懷抱

別君如昨日望舒已再圓借問此何時蟋蟀鳴床前
冉冉氣候變耿耿情難宣神交托夢寐辛勤逾山川
山川多險阻涼風吹我還歎惋終遙昔不得到君邊
與君昔同門相親如肺附一朝騁驥足高舉縱遐步
從知玄豹姿豈翳南山霧我無冲霄翮安得與之去
戒途未闌暑倏忽變金系綠錢生廣除紅葉滿征路
時節有代更君心得如故

絕世有竒姿清波出芙蓉羈貫卽司遊况乃比園廬
結交固非一與子義特殊君心我所羨何異明月珠
君亦不我棄比以鸞鳳雛丈夫各有志中更不能俱
鸞斯桑下飛青鳥海上遊如何不同調羽翼有短修
故人昔相見時時話綢繆出入念同車無衣念同裘
一朝參商如豈不懷百憂初盟倘不渝在遠情愈周
但願似疇昔烏用苦相求
歡愛昔相因結交冀終身中道舍之去不念携手親

遙思久滯滯無乃兒女仁念此斯須別別久遂殊倫
莫厭藜藿賤莫謂猩唇珍猩唇若云美藜藿不可陳
寸心苟能合萬里猶比隣

種梧待鸞鳳鸞鳳不來宿梧生日夜長歲華如飛鏃
涼風一夕厲露葉消初綠豈乏爨下音摧殘比衆木
我願裁爲琴寄君清商曲

叢桂在庭前與子昔同植風霜昨夜繁晨起視顏色
庭樹已凋落桂枝一何直亮節自中懷貞性非外飾
對之思所親俯案不能食一日十二時萬慮在一刻

寄詩非盡言聊用明相憶

採菱辭

江邊白馬耀素雪南浦遙遙木蘭檝採菱未多十指
寒馬啼到家雙耳熱日日望郎郎不歸郎歸不見啼
紅頰妾欲向前說相思郎應不信未歸時郎初愛妾
芙蓉面郎今見妾貌多媼那得從前不離別免使郎
心有南北妾昔種菱待郎歸妾今採菱待郎食紫菱
兩角何尖尖使郎疑刺不敢拈家中食菱菱殼苦他
處食菱菱肉甜若使郎心不相嫌世間亦有上竿鮎

分題得月泉書院送王參議

仙華山下舊絃歌
鑿破蒼苔數尺多
萬甲銀河天有影
一庭玉雪水無波
相將曉日凭欄處
曾記春風挾策過
欲向此中傾別酒
不禁老病臥烟蓑

集叔鄂弟齋中分韻得阿字

麟溪水清如藍
接午風過雨涼生
波溪南步歸日將
晚愛弟置酒邀
相過接歡聚飲固
不易止有骨肉餘
無他尊者居前
幼者後衣冠濟濟
肩相摩怡然語笑
燈燭下面眸背
盞如春和一觴一
酬各有禮陟覺兩

頰生微渦去年此日遭坎
坷弟行兄繼愁無那炎風
去日爍沙石陸走畏虎水
畏鼉青天無私雨下土不
止霖霖沾滂沱義居晝夜
恩寵意遂使枯草爲嘉
禾清風掃却妖與魔門神
戶靈咸馮訶紅塵不來几
案淨蒼梧翠竹枝交柯停
君之盃遲遲飲聽我與爾
浩浩歌我兄九人二人在
君居十九四十多縷指多
君一句歲臨風搔首髮鬢
鬢浮生窮達豈有定勛業
未就成蹉跎漁人樵叟喜
相過一丘自甘烟與簑憶
昔東明結書屋風晨露夕
時切磋微纏不繫義與娥

年華不啻一擲梭十世重擔付我輩我肩我力我負
荷愛君資質衆特異况能尚義無偏頗丈夫肝胆照
日月豈若流輩徒媿姍姍霜雪冥冥下庭草笑指松栢
恒婆娑鐘鼓饌玉不足貴詩書禮樂爲干戈只今明
良際會時求賢四出禮爲羅葛巾野服起幽壑平地
頃刻登嗟峨駿良終期伯樂遇豐城不得閑太阿海
頭健鶻攫飛鷲雄才逸氣如君何

送夏侍御還朝

承恩先後出京華使者南行已及瓜閩海雙瞻持玉

節天河萬里接星槎銀盃酌酒論今雨絳蠟生香吐
彩霞歸到朝端上封事羨君先插御筵花

使車來自九重天行盡南州路十千志子有緣飢得
哺忠臣無祀石新鐫鷹拏隼擊驅狐兔電走風行掃
瘴烟我亦觀風到閩海多君先着祖生鞭

簡吳中書

共使南閩日月長中書已覺髯毛蒼盡船近驛先搥
鼓繡斧衝寒欲雨霜俊逸詩篇唐內翰縱橫書法漢
中郎烏臺鳳沼緣情切肯憶同吟夜對床

和儲僉事

天語叮嚀致再三許陪驄馬喜何堪蠻夷不日來賓
貢聲教于今暨朔南郭外問民時竝轡花間趨饌每
分甘明朝始上儋崖道料得還家春已酣

和朱逢吉韻

夙承 丹詔起林坳今入鵷行幸託交銀燭朝天鞍
每竝金門待漏鼓還敲雪消太液魚逢水春到梧桐
鳳喜巢未有涓埃答恩寵移文空負北山嘯

分韻得滕王閣送鄒中書

飛閣臨江千尺多三王辭賦共巍峩雄南地勢看猶
在貫斗文章耿不磨補袞欲添龍縞線濡毫時醮鳳
池波五花官誥榮親日正向滕王閣下過

絡緯

葉間草底意何如忽迓清音到座隅啼向金窻渾不
覺聽從茆屋最難居碧梧有月秋容淡寒杼無聲夜
織虛遊子未歸衣更薄幾回無夢五更初

鞭筍

千里平沙一望寬籜龍只在此中安隱身自信千宵

易守節深思出地難會向葛陂隨浪舉暫依渭水歎
泥蟠蟄雷一夜先林藪風雨從教滿世間

送曾侍御任廣西憲使

吟得新詩硯已冰凭闌呵凍寫霜藤禮編昔向螭頭
進憲府今從豸角升伏櫪誰知千里駿搏風始見九
霄鵬兩年握手鑿坡上別意交情總不勝

送李中書任廣東憲僉

十載詞林被寵嘉鳳池春暖筆生花銀箋不倦臨青
李鉄畫曾經草白麻玉殿忽傳宣近侍繡衣已

許作皇華廣州不用愁炎瘴行見清風播海涯

中秋京闈分韻得秋字

月臨丹籞正中秋回想清風遍海陬疏廣乞歸優
詔許子牟戀闕此身畱一時冠盖多如雨萬里星河
共倚樓自媿不才承寵渥敢將文字贊皇猷

書公
致仕

皇猷
時尚

題賈指揮桃花白頭鳥

將軍昔日侍金闈三月桃花照錦衣爲愛一枝春更
好白頭還遠上林飛

平胡詩

聖朝大一統在昔所未有寸地皆入貢歸命孰敢後
惟虜瓦刺黠長惡誠可醜習性何無恒吞噬如轉手
聖明閔愚頑燾養均薄厚吁嗟旣臣伏職分當謹守
胡乃悖且狂弗顧滅與否天書昔往諭庶幾一引咎
沐猴而冠裳倏忽變獠狗背恩負仁義寇邊傷畝畝
依山復傍海似蠅營狗苟大田美多稼豈容生稂莠
彰善古所宜縱惡胡可久彼民墜塗炭來藉篋我
后我后仁如天爲億兆父母奮厥神武威出兵救黔

首軍門肅號令誓師務深蹂百萬同一心伐彼曲而
負砲車轟雷霆雲旗紛結糾海湧蛟龍飛山搖熊虎
吼寒光照金甲朔氣凜刃斗一鼓兵刃交摧鋒如拉
朽將軍方扼腕壯士恣擊楛前軍隳巢穴後軍索原
藪霜刀斫腰膂雨箭射跟肘忿傲氣填胸噉奸如噉
藕任虜相喧囂凶徒自紛揉奔危化齏粉溺險杵投
日仇頭漸填軋勝勢如竹剖渠魁旣已殲逆族隨指
嗾膝行告昏迷乞生聲連口天兵不盡誅恤罪寬其
枉殘虜何纍纍宵遁星散走宿雨霄沕沱疾風來如

帝乾坤淨掃蕩區宇無纖垢我 皇御萬乘陟彼崖
谷陡母乃 聖躬勞億兆何消受 聖德神禹如
聖功神禹偶多士盈朝廷聰明自天牖銘山告萬世
咸願依响嘯凱歌載道還雲韶夾左右朝野賀昇平
懽怵暨童叟臨軒稽殿崑飲至用醇酎懋功加寵錫
束帛堆如阜古有銘太常錫命及圭卣我皇率舊章
蟬聯陞印綬微臣荷 聖恩才薄無可耦况當未暮
年弱質如蒲柳涓涖不能報望 闕惟拜扣謹獻五
字詩願祝億萬壽

題梅花畫

衆芳搖落霜風凜獨有梅花開庾嶺楚楚迎風暗度
香微微籠月橫疎影我時衣繡馬青驄肅持使節觀
民風衝寒踏雪梅關去驛路時與梅相逢嶺頭角聲
浪催曉吹落瓊英褪林杪山嶽動搖霜氣寒狐兔潛
蹤豺胆小一株突兀映鷺車鷺車玉質清含輝綠衣
啼激曙光微繁華不敢爭芳非細翫貞姿無不可駐
馬停驂對花坐江天寂寞孰與儔鐵石心腸惟爾我
一朝優 詔賜歸田愛閑巡笑梅花邊花開花落幾

經年春風庾嶺仍依然只今景薄崦嵫暮見畫梅花
動情悵濡毫爲寫梅花詩披圖猶憶梅關路

文齋

諱彬字叔文

探梅

西湖湖上舊遊時雪裡相逢歸去遲月下清歌來翠
羽花前停駐勒金羈春還嶺表三千里書寄江南第
一枝重喜花翁今有約明朝詩酒醉淋漓

燈花

一枝爛熳吐簾籠不假栽培雨露功玳瑁筵前添夜
色絳紗籠裡避春風光搖銀穗蠅頭白焰吐丹心蜂
股紅此夕照人清不寐何妨送喜到詩翁

奉和博士叔登靈山韻

澄江如練棹東還乘興來登溪上山春色娛人關不
住錦囊裁句和應難梅花點點沾衣袂竹葉醺醺醉
客顏如此好懷真樂事尤勝騎馬走長安

和九叔春雪韻

客路東風二月過驚看騰六奪春和明朝載酒城東
去冷禁杏花紅未多

暮雪淒迷着樹鳴，客窓欹枕動鄉情。
夜寒喜共姜肱被，雪色渾疑月色明。

長史

諱楷字叔度翰林薦授

蜀府教授陞左長史致仕所著有味道齋藁

同舟別程典仗

河南夫子宋名師，喜見庭前玉樹枝。
仙仗指麾嚴侍從，鑾輿出入正威儀。
丹心事主輸忠蓋，白髮論交若故知。
聞說西軒多爽氣，高秋准擬話襟期。

謝賜新茗詩

微臣皓首侍經筵，玉食時蒙降九天。
粟粒又傳頒紫筍，靈芽兼喜得青椀。
百年先德叨宸眷，兩液清風起玉川。
浩蕩恩光無以報，惟將肺腑重銘鐫。

二月二十八日特蒙睿恩念臣生日召入迎

仙院訪祿雲山，賜飲天門冬金銀藤水紅花

酒傳旨云此松花會也口號八語謝恩

六十九齡初度日，迎仙院裡醉春風。
天門三換金銀酒，瓊管雙吹鬢髻童。
紫府上卿陪讌重，青溪道士笑言同。
松花此會千年遇，拜舞陳詩謝睿衷。

立春日奉旨命諸儒分韵進詩得園字

春光先到上林園，花信風來第一番。
鶯囀新聲來鎖闥，柳垂青眼出宮垣。
細旃廣廈陳謨訓，玉葉金枝壯本根。
何幸康成書帶草，丹心長在露華軒。

盤簇青絲錫上尊，酒酣分韻出天門。
百花潭好堪娛老，七秩年衰荷撫存。
受寵過於桓少傅，呈材敢望馬文園。
麟溪久矣無歸夢，誓欲捐軀報異恩。

和周典寶見寄韻

知君思我我思君，幾度花前醉夕曛。
燭賜金蓮曾共

照班聯玉筍，每同羣好詩已許，貽元亮奇字長懷問。
子雲萬里神交勞，夢想臨風惟愛鵲聲頻。

範齋

名模字叔範

春夜賞海棠

海上名花屬品題，沉香亭北畫欄西。
燭明倍覺紅妝好，風定纔看翠袖低。
象管促教留夜飲，馬蹄無數踏春泥。
憑誰分付東君住，明日重來訪舊蹊。

畚杜仲誠

草徑崎嶇一里賒，晚來幽興渺無涯。
地爐煮茗燒紅

葉竹屋論詩剪燭花每憶交情逾手足更煩書札到
山家方今好共耽文學莫待衰年兩鬢華

和叔寧弟留湖庄韻

雙雙燕子曉窓過九十春光一擲梭遙想湖庄未歸
客杏花飛雨隔簾多

紙帳

誰將玉杵搗冰霜盛貯梅花雪滿床一覺睡回明月
夜五更身在白雲鄉清幽不作邯鄲夢雅淡惟搜錦
綉腸好爲儒生障寒冷從他疊錦侍含香

節判

諱桐字叔成

武岡侍郎劉公薦守

朝授滁州判官

香奩八詠

画堂春融新燕乳蘭膏湯滿金盆貯纖纖玉手理雲
鬟冉冉巫雲輕載雨起來無力倚東風蓬鬆蟬鬢難
爲容閒憑綉枕鴛帷中夢回花霧香濛濛

右金盆沐髮

盤龍寶鑑清光圓臨鸞人與花爭妍翠鈿乍貼粉初
試分明下降蟾宮仙猶恐芳塵汙顏色時時對影添

粧飾風飄素臉玉生香日映朱唇紅欲滴

右月奩勻面

嬌鶯巧織金堤柳倚牕倦綉停針久悄然無語暗銷
魂誰信傷懷別離後惱人春色人不知手拈五彩情
依依蹙成鸞鳳思逾迷天涯遊子何時歸

右繡綳凝思

心事縈懷須問卜慙慙重把金錢祝夫君一去經幾
春門外年年芳草綠妾心有誠神有靈他鄉消息惟
神憑擲錢布象喜不勝卦爻早見歸來徵

右金錢卜歡

西牕迢迢夜初寂孤雁聲中愁似織羅幃展轉夢初
成彷彿夫君此中識相逢似訴離恨併語言歷歷尤
分明黃梁未熟早覺驚一番懊惱難爲情

右雲牕秋夢

輕施粉黛渾無語玉筍雙垂愁幾許意同鮫室客還
珠嬌比梨花春帶雨曉妝界破晚妝殘香羅拭處痕
班班寫真誰爲寄天邊崔徽容貌非當年

右香頰啼痕

抱愁淡掃雙蛾翠輕雲遮却春山媚風流張敞未歸
來香閨陡覺增憔悴含顰不效西家施傾心願作梁
鴻妻烟滋柳葉舒轉遲鶴長鳧短那能齊

右黛眉顰色

濛濛香霧飄輕塵熙熙麗日偏慵人嬌娃出戶散幽
鬱盈盈一朶巫山雲層塔立久痕微顯芳徑行過印
沙淺落花深處又迷蹤誰信纖腰今瘦減

右芳塵香跡

寄叔鄂弟

鶴鳴原上艸青青自在飛鳴更有情遙憶連枝難會
面六年懷抱向誰傾

滁陽薄宦兩經秋幾爲思鄉懶上樓賴寄錦囊佳麗
句時將舒卷散閒愁

春思

梨雲淡淡霧濛濛人在青樓第幾重鸞鏡未開簾未
卷羅衣猶怯五更風
鴛鴦欲繡手慵拈日靜風和意自恬忽見江南青草
色一時芳恨上眉尖

小梅綻玉柳金微春氣融融入翠幃閑看多情雙燕
子呢喃時向畫堂飛

玉簫聲斷綵雲深欲覓仙踪何處尋無數碧桃自開
落武陵消息思沉沉

花前淺淺倒金船羅袖盈盈露指尖顛倒釵鈿歸去
也海棠枝上月纖纖

院宇深沉人影稀偶來花底襪痕微綠楊陰裡闌干
曲愛聽鶯聲日暮歸

春晴

紅繁園苑杏桃春綠遍汀洲杜若新一段閒情無着
處他鄉猶有未歸人

垂絲海棠

嫣然一笑破微紅絕與佳人暈酒同看到絲絲無力
處如何有意着春風

淳齋

諱柎字叔鄂封大理寺丞

和叔寧弟湖庄漫興

爲客三春過耕耘久滯留行看黃犢健坐見綠陰稠
地僻心真遠山深夢亦幽江湖風浪靜出處更無憂

月夜獨坐

五言二首

日落柴門閉微吟到夜深
閑堦來月色芳樹見花陰
覽景無留意看山有住心
靜思超物理星斗漸西沉
雨過添新綠幽花晚自香
湖平新月出天濶晚風涼
宿鳥栖來靜流螢耿自光
幽人渾不寐坐久任更長

寄袁仲宣

閉戶長高臥蓬門俗事稀
草深人罕到花落燕交飛
飄泊君相念淹留我自悲
平生湖海興毋乃壯心違

次韻答袁仲宣

深喜交情澹有餘無心世事樂
閒居鏡添白髮緣搜
句囊有青錢但購書
賈誼不須嗟鵬鳥
季鷹底用愛
鱸魚人生出處皆前定
瓢飲何妨樂自如

寄嚴子敏尚書

柳塘深處好垂鈎黃鳥時鳴興
轉幽靜覺胸中真白
得閑于世外更何求
多情明月輪君樂無價
青山許我遊
買得小舟如葉大
五湖來往任風流

檢討

諱棠字叔美永樂間禮部尚書鄭賜薦修大典書成

詔禮

部試用時就試者三千人三試輒第一除翰林典籍繼陞檢討所著有道山集

靖節庵八景

崇崇獅子岡朝集千峰翠油然與白雲望霖寰宇內
彼美閑中人怡悅誠足貴有懷忽感中悠悠柰予意
右獅岡望雲

一勻瑤池清浩浩涵太極轆轤璇璣文旁薄俱歛入
人心具造化靜照物自物嗒然天機動頓悟初形色

右盆池天影

湛湛天宇晶三峰插秋影長風吹月來寒泉噴清冷
巨筆駕長杠欲寫人文景一身天地中盈虧知動靜

右筆峰駕月

一室容斗寬環堵皆有詩寥寥今古心渺渺江湖思
信夫不出戶天下皆吾知大雅久絕響吾其誰與師

右斗室詩屏

山林淨修竹南薰發清响披襟快相迎憇石成幽賞
晉逸何足論致身未蕭爽爭云高世士誰能蛻塵鞅

右竹塢迎薰

雪霽溪泓澄水落石齒齒幽人亦好奇獨釣瑤臺裡
彼美羊裘人鈎取聲名美過者勿問津一醉知何許

右清溪釣雪

長松百尺陰蕭洒層臺石風聲起樹間時來和音律
置琴勿復彈豈曰知音寂釣天奏自然一洗凡箏笛
右琴臺佳趣

疎懶捐世慮情好宜丘園手植百菓成春過華實繁
東臯步舒嘯田父相語言熙熙春臺中來往期無諉

右春墅餘閑

詠雪花

整頓乾坤手玄機巧作花應時呈六出隨處眩千葩

植物班新像偷香借舊槎霏微霑潤澤霖霖導輕斜
遠近奇妝點汗隆悉蔽遮兔園誇藻麗蟾苑奪光華
艷洛應題品繁楊定等差鼓催開易遍笛弄落無涯
枯槁齊爭媚山藪盡匿瑕因風飄捲地掩日暗韜霞
綴萼陰凝潔餐英富豈奢翩翩飛鷺羽浙瀝响衝牙
勢變巒依侶紛增水不加報瓊宜木李倚玉逞蒹葭
粉碎撞雙斗零殘壞白麻鹽梅渾少味烏篆布輕沙
面撲童孩印形妝獅象拏稜稜冰作柱片片鳳隨鷗
昇夜幾如晝侵雞懶報衙光驚簷鵲噪聲禁蟄雷撾

桂影相板附梅粧效寵嘉輕便推謝韞狂態讓劉叉
未用祥占麥真宜退縮蝸途艱陶有屑薪怨衛空嗟
楚畹蘭誰認東籬酒可賒何人披鶴氅滿界布鮫紗
好返王猷棹難施李愬車程門徒久立陶館笑團茶
東郭行方倦袁安夢亦遐丹田寒白虎凍竈冷黃芽
桃李寧須羨金沙亦謾誇擬乘韓子興共至玉皇家
練悅羅香御冰盤獻棗瓜寒瑩清澈骨思慮兩無邪

寓直

五言二首

館閣自清地孱鈍身常閑聯翩鳴珮玉縹緲飛霞仙

相逢兩無語兀坐書史間柱頰仰春雨倏爾新霽天
今晚退直罷來朝依復然素餐知爲忝媿列朝參班
明時思効用才薄力不在雖多相識人要非相知心
談諧接歡笑那能測淺深有時得佳句自可閑中吟
觚稜日影轉下階觀寸陰聊適散淡趣歸撫無弦琴
知縣 諱機字叔慎永樂間以才行薦授漢川知縣

紀行

此地繁華昔所誇客行准擬看瓊花前修題詠今何
在千古揚州后土家

右楊州

關河一去水茫茫兩岍黃花帶露香今日蘭舟過邵
伯令人千載誦甘棠

右邵伯

扁舟蕩漾日初曛牧笛樵歌處處聞兩岍人家雲樹
密晚烟多處是房村

右房村

櫓聲搖曳過長蘆滿眼江山勝画图欲寫新詩吟未
穩從來阮藉畏窮途

右長蘆

清逸

諱栢字叔端

蜀王 賜號清逸高士所輯有續名世文宗金華
賢達傳文章正原進德齋藁

同諸兄弟松溪會集分韵得林字

良辰集昆季會合山之陰正當春景和祥颯濯煩襟
于焉憇嘉樹列坐彈鳴琴空谷應遺响好鳥和佳音
清賞得所適幽居浩難禁諸兄富文翰臨風發清吟
語高和難繼句美如南金諸弟趣洒落携酒林間斟
肴核荐山市筍蕨供前林雍容協酬獻繾綣情交深

昔人有恒言山林勝朝簪况我落魄徒慨古寧如今
嘉會信可樂舒笑復規箴勿隨世人態且共時浮沉
願崇禮與義百世同一心

和陳竹坡見貽韵

吾邦自昔文獻著東萊成公五經庫繼今學者有淵
源如水東流海中注宋元英賢爭挺出名與日月相
吞吐光華照燭眩驪珠聲價擬重珊瑚樹尊榮曾忝
位五更德望端能齊八顧白雲學紹新安純文獻名
高太極賦自餘作者總如林繼踵相承新趾故鳳毛

鱗角世所稀和璧夜光應有數傑哉竹坡迪功喬
門讀書守先墓交游親友籍詩笥式燕賓朋羅豆俎
擯辭俊語效昌黎樂府新聲方賀鑄有時長吟坐清
夜命意精深求妙處有時步月發狂歌抽思絲絲達
朝曙人言先生病詩魔我爲先生得詩趣昨朝乘閑
來過我騎驢緩踏麟溪路入門相見卽相親笑語怡
然美風度問年由來及古稀索句猶能成七步懷才
不肯苟干祿樂隱山林老韋布只今文治搜遺賢早
晚徵書起轅固先生亦有治安策苦戀丘園避衰莫

好爲霖雨被下土長養萬物醒枯腐毋徒留心事章
句無得潛形觀太素吟風弄月伴烏猿釣水持竿侶
鷗鷺我和先生投贈詩我爲先生吐情愫丈夫出處
應有時今乃遭逢明

聖主襍被一出卽登庸際遇懸知異臣庶

寧齋

諱棫字叔寧

春日臥病荅允宜惠詩

寢食過年得漸佳鵲聲有喜送詩來頭風欲愈陳琳
檄肺渴空慙司馬才麗句新春傳白雪疎梅晴日燦

瓊瑰舊遊往事俱成夢老我情懷付酒杯

林齋

諱木字叔林

暮春書齋感遇

春日易朝暮流光等駒隙緬懷賢達人俯仰悲今昔
名位躋上壽所媿盜與跖尼父居大聖苦罹陳蔡厄
所思志艱辛絃歌被朝夕模範苟不墜庶爲名教益
吁嗟千載下往事何歷歷

昔我少壯時所思不可得親之賢師友規矩有繩墨
文字睹浩瀚持守永堅執宛如涉大波尚媿中道失

藩籬旣未窺敢謂窮纖悉及茲漸荒愚反身事齋室
舊學惜荒涼素志寡儔匹立言縱無爲致君果何術
南囿且寄傲永以消白日

去古日已遠大道成寥廓漢魏徒紛紛文物相交錯
如何數千載清風滿川洛古今賢俊徒尚慎斯人覺
嗟予性嗜古自慙學未博念之常靡靡曷進仍爲却
中心竟何恃尚冀無息作

允宜

諱昂

宣召京回

一棹夷猶出水西舟行此日枕江堤中天涼月穿
過夜半寒鴉匝樹啼鄉信不愁千里隔

聖恩深喜一家齊故園明日仍歸去相慶門闌雨露
低

問梅

玉容忽訝滿南枝春到于今又幾時別後風霜無羨
否夢回雪月料應知丰姿綽約清何許香影橫斜瘦
爲誰步遶蒼苔吟立久樓頭長笛不勝吹

梅杖

偶向溪南選一枝春風入手屬操持疎花禁得行應
緩清節修來歸較遲徙倚漫搜香影句支願須仗雪
霜姿雖然未遂調羹用已逐蒼龍化葛陂

紙帳

皺膩勻舒製剡波清芬逗煖勝香羅潛身每悟藏鮫
室伸脚寧容甃繭窩皓采凌空通廓漠素華乘雪擁
坡陀梅花夢覺心如水平不放纖塵半點過

雨後謾興

薄晚風雨餘陡覺炎暑隔雲開列岫青水漲前溪白

林柯鳥按篁花圃蝶翻拍拭几坐南軒新蟾舒一脈

義犬行

有犬有犬義且慈晨夕庭前雙哺兒昨朝其一忘道
上一母惻然與乳之爾犬於人斯可貴形質雖龐心
靡二惠綏寧願親及疎德化豈乖仁與義君不聞唐
代勛臣多德業司徒馬燧名昭晰家猫相乳致禎祥
吏部文章光日月嗚呼義事良足喟義犬義猫古所
無巨獒昔因戕害獻人猫翻作百世汗瀰漫澆風障
白日覲面相仇又奚恤嗷黃口雛弱肉往往強之

食我作義犬行特爲風俗勸嗟爾不義人有眼胡不見

允克 諱耀

詠冰柱

簷角稜稜萬柱冰非陶非冶雪鎔成賦形不用加雕
琢秉性由來抱素貞絕勝水晶無點滓過于圭璧有
餘清若教留得消炎暑豈讓金莖玉露名

允誠 諱燾

觀魚有感

閑居無利亦無名步履觀魚感興生萍草乍香春水
煖桃花欲墜午風輕絲綸莫下池邊釣尺素曾緘翼
北情正憶故鄉消息在倚欄又見月分明

題雷濟民吳越遊卷

萬里橋西一葉舟大江鼓柁恣遨遊遠從寶婺尋羊
石又過姑蘓訪虎丘百粵雲山蓬底看三吳風景盡
中求相逢欲問奚囊向行李匆匆不我留

淮陰廟

古木荒祠近沛豐儼然遺蹟見英雄淮陰俎豆千年

奕葉吟 卷之三 二十六
祀史策勛名百戰功師虜竟能興漢業假王何必願
齊封行人感慙當年事但惜將軍少慎終

允荷

諱樵

送寺丞弟北上

杏花春雨舊江南送客花邊簇錦鞍
帆掛曉風楊子渡船開夜月尹兒灣
趨朝早遣鴛鸞侶執法曾簪獬豸冠
握手臨行無別語葵心留取向陽丹

月中桂

不隨沃土長婆娑月漸圓時榦漸多秋
老無香飄宇

夜深有影照山河花攀金粟宜仙客曲奏霓裳
綵娥老我雲梯難步折爲留年少掇魏科

題岳陽樓景山水画

憶乍扁舟過洞庭羣山倒影湖光清
七澤烟雲秋冉冉三湘風雨朝冥冥
伊誰奪符造化理宛然風景披圖裡
樓頭有客尚登臨三醉回仙招不起

題踏雪尋梅

蹇驢蹀躞霸橋來雪擁溪山凍未開
踏破瓊瑤春已覺担頭香帶一枝梅

奕奕

入卷之三

金樂堂

川圖



